

Bosna i Hercegovina
Federacija Bosne i Hercegovine
Srednjobosanski Kanton/Kanton Središnja Bosna

KANTONALNI SUD U NOVOM TRAVNIKU

Broj: 06 0 K 019359 25 K

Novi Travnik: 17.9.2025. godine

U IME FEDERACIJE BOSNE I HERCEGOVINE !

Kantonalni sud u Novom Travniku u vijeću sastavljenom od sudaca: Lazarela Porić, predsjednica vijeća, Vesna Vujica i Aida Pezer-Alić, članovi vijeća, uz sudjelovanje zapisničara Slađane Dujo u kaznenom predmetu protiv optuženog A. S., zbog kaznenog djela Razbojništvo iz članka 289. stavak 2. u vezi sa stavkom 1. i člankom 31. Kaznenog zakona Federacije Bosne i Hercegovine, postupajući po optužnici Kantonalnog tužiteljstva Travnik broj T06 0 KT 0034903 24 od 6.2.2025. godine, nakon održanog glavnog pretresa koji je bio javan dana 12.9.2025. godine, na kojem su bili nazočni kantonalni tužitelj Kantonalnog tužiteljstva iz Travnika Meho Bradić, optuženi A. S. i njegova braniteljica Melhisa Šabić, advokat iz Gornjeg Vakufa/Uskoplja, po obavljenom vijećanju i glasanju, u odsustvu stranaka i branitelja, dana 17.9.2025. godine donio je, a predsjednica vijeća javno objavila slijedeću:

PRESUDU

Optuženi:

A. S. sin R. i majke S. djevojačko P., rođengodine u Zenici, nastanjen u mjestu G. B. bb, općina Travnik, JMB: ..., Bošnjak, državljanin BiH, završio SSS, po zanimanju turistički tehničar, nezaposlen, oženjen, otac jednog mlđb. djeteta, srednjeg imovnog stanja, neosuđivan

KRIV JE

Što je:

Dana 29.02.2024.godine oko 21,00 sati u mjestu Nadioci, općina Vitez, s ciljem da sebi pribavi protupravnu imovinsku korist zajedno po prethodnom dogovoru sa E. L., dovezli se sa vozilom Mercedes registarskih oznaka ... vlasništvo E. L. kojim je upravljao A. S. do benzinske pumpe ..., potom se maskirali tako što su na glavu stavili maskirne fantomke i držeći noževe u ruci ušli u unutrašnjost benzinske pumpe, te su uz prijetnju noževima koje su držali u rukama čija su sječiva bila okrenuta u pravcu oštećene radnice benzinske pumpe I. P. zaprijetili da će izravno napasti na njezin život ili organ, govoreći povišenim glasom „daj sve pare“, pa je oštećena I. P. uslijed prijetnji koje su joj uputili osumnjičeni da će sa noževima u ruci napasti na njezin život i organ, bojeći se za svoj život i tijelo predala novac od pazara koji se nalazio u bijeloj koverti i u džepu radnog odijela u iznosu od 1.312,00 KM, svjesni da takvim postupanjem i upotrebom noža pod prijetnjom da će izravno napasti na život oštećene oduzimaju tuđu pokretninu s ciljem da sebi pribave protupravnu imovinsku korist, i htijući to, potom su sa otuđenim novcem izišli iz prostorija benzinske pumpe ... i uputili se do mjesta gdje su prethodno parkirali vozilo Mercedes, sjeli u vozilo i odvezli se u pravcu Zenice, dok su za vrijeme vožnje sa sebe skidali maskirnu odjeću

koju su bacili kroz prozor vozila, kao i maskirne fantomke i noževe koje su koristili u izvršenju krivičnog djela, potom su se sa vozilom krenuli u pravcu Mehurića, općina Travnik, kada su u toku vožnje u mjestu Han Bila uočeni od strane policijska patrole policijske stanice Travnik i tom prilikom nisu se zaustavili na znak „Stop“ policijskim službenicima već su sa vozilom nastavili kretanje u pravcu Gluhe Bukovice gdje su zaustavili vozilo, izišli iz istog i pobjegli u obližnju šumu, pa su na taj način oštetili benzinsku pumpu ... za novčani iznos od 1.312,00 KM.

Čime je počinio kazneno djelo Razbojništvo iz člana 289 stav 2 u vezi sa stavom 1 i člankom 31. Kaznenog zakona Federacije Bosne i Hercegovine.

Pa sud optuženika za počinjeno kazneno djelo uz primjenu odredbi članka 42., 43., 49., 50. tačka a/ i b/ i članka 51. stav 1. tačka b/ Kaznenog zakona Federacije Bosne i Hercegovine, kao i uz primjenu odredbe članka 300. Zakona o kaznenom postupku Federacije Bosne i Hercegovine

OSUĐUJE

Na kaznu zatvora u trajanju od 1 /jedne/ godine

Temeljem odredbi članka 202. stav 1. Zakona o kaznenom postupku Federacije Bosne i Hercegovine optuženi se obvezuje na naknadu troškova kaznenog postupka koji će biti utvrđeni posebnim rješenjem predsjednika raspravnog vijeća, kao i na naknadu troškova paušala ovom sudu u iznosu od 150,00 KM.

Temeljem odredbe čl. 212. stav 3. Zakona o kaznenom postupku Federacije Bosne i Hercegovine optuženi se obvezuje da oštećenoj benzinskoj pumpi ... naknadi štetu u iznosu od 656,00 KM.

Zapisničar
Slađana Dujo

Predsjednica vijeća
Lazarela Porić